

明代寶應人物志

明代寶應人物志

(清)朱克生撰

明代寶應人物志引

寶應隸揚州號為小邑而德行文章媲美於諸屬漢之循吏有臧旻烈士有臧洪陳容文學有陳琳班班史冊晉唐宋元文獻不存事無記述自有明來命天下府縣各為誌書凡山川戶口賦役科目之類燦然可觀獨人物詳畧遺失使人太息蓋誌之與史事類而體殊史之為道也司馬遷氏得史之神班固氏得史之體馬班以下若裴子野宋略王劭齊志皆長於叙事之文而世鮮人知者後歐陽修庶幾近之史

之道難言也余未揣謏劣採擇邑中先賢名臣得十五人哀少

卿復陳考功晟尹尚書禮鄭郎中禮高御史昭張御史稷莫

府尹綺仲按察本張參政諱應登果副使嘉善王樞忠賢劉職子永澤先戶部諱知府諱曰潘逸民得三人

陶舉人成先徵君諱璿貢士諱應辰孝義我得四人王光州鳳

栢老人叢桂丁烈士效恭喬長者夢斗方技得二人使仲通

蘭才畫院銳列女得五人戚烈婦仲節婦鄭氏黃烈女壽英鄭

節婦朱氏先曾大母顧氏夫有明一代二百七十餘年邑無記載

之人先賢行事寥落無攷余攢集補假闡幽闢訛歷有年所始

成二十人列傳有美不彰不仁也擇善不嚴不智也不仁不智亦何
賴此後人哉書曰明代誌先朝也寶應導國制也人物志職非史
官備纂修採擇也時康熙^改元秋七月寶應朱克生撰

明代寶應人物志目

列傳

○名臣

大理寺少卿袁公傳

吏部考功司主事陳公傳

贈兵部尚書尹公傳

戶部郎中鄭公傳

高張二御史合傳

應天府尹冀公傳

贈戶部主事江陵知縣補齊先公傳

陝西按察使仲公傳

參政張公傳

副使朱公傳

左參政凌谿先公傳

九江知府射陂先公傳

高州推官王公傳

附于言錄

私諡貞修劉先生傳

○逸民

徵君琴鶴先公傳

陶雲湖先生傳

歲貢生淮海先公傳

○孝義

王孝子傳

柏老人傳

丁烈士傳

喬長者傳

方技

大醫院使仲公傳

刁畫院傳

○列女

戚烈婦傳

仲節婦鄭氏傳

黃烈女傳

鄭節婦朱氏傳

先曾大母顧孺人傳

凡二十八傳

原書係國立中央圖書館所藏
承蒙惠借影印謹此致謝

十二月

大理寺少卿袁公傳 附楊允

袁公復字仲仁性純嘖默嘖達章程尤工晉書法明洪武間官中書舍

人改授吏科給事中轉山東按察司僉事徵入為大理寺丞陞本寺

少卿按明洪武元年九月遣夏變原吉詹同魏觀吳輔趙壽等分行

天下訪求賢才六年罷科舉專用辟薦其目有經明行修懷才

抱德賢良方正人材孝廉罷進士科者十有餘年上既不喜文

士又以初立辟薦法甚嚴輒坐舉主十二年上諭禮部曰為

國得賢不如薦賢朕自臨御以來十有二年思得賢士以熙庶

績然博學老成之士匿德藏光甘于窮餓不肯輕出宜下有司
悉心以推訪禮送於朝朕將顯用之十三年詔舉聰明正直孝
弟力田賢良方正文學術數之士於是赴京者八百六十餘人命
各授以官公被薦授中書舍人時明太祖殺丞相胡惟庸及御史
大夫陳寧都督李瑄等革中書罷丞相有有意刻覈緝罪且
下雷霆所擊罔不震懼凡仕於朝惴惴無敢言事由上決雖
補闕拾遺之官縱有陳納外不得聞是以公之給事中科後無
傳其事者及轉山東僉事山東當元季之後水旱啗傷虐政

貪吏橫索無厭韓山童得以燒香惑眾于林兒據有山東秦
隴之地僭為小明王國號宋兵無紀律屠戮焚掠小明王殂
明太祖乃命大將軍達下沂嶧青州進攻益都路徇東平東阿
遂定濟南有明建國三十年猶田蕪地碩民失業者中丞鋤強
翼懦撫綏惠保不一其事民甚德之特徵為大理丞陞本寺右少卿
永樂元年吳浙大水明成祖命戶部尚書夏變原吉視水累遣公與
侍郎李文郁陝西參政宋性佐尚書治水浙西諸府蘇松最居下
流常湖嘉興三府水環以太湖納抗湖宣歙諸山水注潏山諸湖入

三泖是時浦港湮塞漚流漲溢大害民稼公建議言拯治之法宜浚
吳淞諸浦港泄壅淤以入於海又言嘉定劉家港即古娄江徑通大
海常熟白泖港徑入大江吳淞江南北兩岸安定等浦港引太湖
諸水入劉家白泖二港使直注海松江大黃浦旁有范家漕至南
倉浦口接大黃浦以達泖湖之漕之便利曰可於是吳浙水洩農田
大利成祖嘉之將大用公會公卒於官同時有楊公允字執中洪武
十四年貢士官御史年少有風力太祖專任之前後斷獄四萬餘人
時人呼曰楊小御史調江西按察司副使卒年三十二

宋克生曰明初草昧建國特重辟舉而科目輔之一時舉賢解次畢集斌斌盛矣時又有孝廉人材及郡縣歲貢若富戶青民皆得召見擢以下次高皇帝立賢無方如此袁少卿則辟舉士也揚御史乃歲貢生耳其茂績乃尔辟舉亦何負人家國哉後徇私而繆舉不嚴舉主連坐之罪遂革辟舉獨行科目詎可以不肖繩人而廢先王已試之成憲哉

吏部考功司主事陳公傳

陳公晟字克昭洪武中辟薦授中書舍人尋擢工科給事中改

五軍斷事有都督某者犯法當死迨廷鞠高皇念其軍功欲
釋之公以所犯罪畫一以奏高皇怒命兵部尚書茹常劾戍及
茹尚書復奏與公初鞠無異辭高皇乃悅一日當奏獄高皇收其
奏牘令公背誦公條對如流高皇曰汝年少朕特試汝於獄洪武
二十一年陞大理寺左寺丞二十四年調湖廣僉事除行人使琉
球琉球在福建東海中國王有三曰中山王山南王山北王漢唐
宋不通中國洪武初三王皆遣使朝貢自後中山王來朝許王
子及陪臣子來游太學公奉使還盡錄其土地山川民物風俗